

皇清經解續編

皇清經解集編

皇清經解續編卷四百三十三

南菁書院

毛詩傳箋通釋十八

桐城馬瑞辰伯著

小雅

南有嘉魚

序南有嘉魚樂與賢也瑞辰按與當讀爲舉周官師氏王舉則從注故書舉爲與禮運選賢與能王尙書謂卽大戴王言篇選賢舉能是也此序與賢當卽舉賢下云樂與賢者其之亦謂樂舉賢者其之也箋云樂得賢者與其立於朝相燕樂也似非序之本旨

烝然罩罩傳罩罩簠也箋烝塵也塵然猶言久如也瑞辰按罩罩汕汕皆疊字形容之詞不得訓爲捕魚器說文引詩烝然鯈

鯁不言其義據說文汕魚游水兒引詩烝然汕汕則罩罩亦當同義釋文引王肅云烝眾也罩罩汕汕蓋皆眾魚游水之兒廣雅淖淖澹澹眾也卽此詩罩罩汕汕之異文訓眾者蓋本三家詩

嘉賓式燕又思箋又復也以其壹意欲復與燕加厚之瑞辰按又卽今之右字古右與侑宥竝通用周官大祝以享右祭祀注右讀爲侑彤弓詩毛傳右勸也右卽侑也說文以侑爲媚之或體大司樂王三宥注宥猶勸也宥亦侑之借也此詩嘉賓式燕又思又當卽侑之段猶侑可通作右與宥耳

南山有臺

北山有萊傳萊草也正義十月之交曰田卒汙萊又周禮云萊

五十畝萊爲草之總名非有別草名之曰萊陸璣疏云萊草名其葉可食今兗州人烝以爲茹謂之萊烝以上下類之皆指草木之名其義或當然也瑞辰按萊釐藜三字古同聲通用爾雅釐蔓華說文萊蔓華萊卽爲釐猶來牟一作釐牟也齊民要術引詩義疏曰萊藜也玉篇廣韻竝云萊藜草也是萊卽藜也萊草多生荒地後遂言萊以概諸草故周禮言萊田詩亦言汙萊其實萊卽爲藜亦草名正義乃云非有別草名萊由不知萊卽釐與藜耳又按夏小正七月爽死傳爽也者猶疏也洪震煊曰爽當爲來字形近之誤來卽萊也釐萊古同讀爾雅曰釐蔓華又曰藜蔓于同物也說文藜水邊草也藜蔓于一名軒于猶疏亦藜之別名據此是萊與藜爲一草也

南山有枸傳枸枳枸瑞辰按枳枸雙聲字說文作穡枳多小意而止也一曰木也又穡穡枳也一曰木名枳枸又作枳棋玉篇穡曲枝果今作枳穡木曲枝也今作棋明堂位俎殷以棋注棋之言枳棋也謂曲撓之也宋玉風賦枳句來巢廣韻穡枳皆訓曲枝果枳枸蓋曲木之兒據說文穡字注一曰木名是木有單名穡者詩之枸宜爲木名非卽穡枳也至說文木部枸枸木也可爲醬出蜀此非周地所有故知非卽此詩之枸

保艾爾後傳艾養保安也瑞辰按艾又古通用保艾猶康誥用保艾民也爾雅艾長也又艾治也釋名艾治也音義同據毛傳先艾後保似經文原作艾保爾後

序崇邱萬物得極其高大也瑞辰按釋詁崇高也管子侈靡篇鄉邱老不通注邱大也漢書楚元王傳集注引何晏注邱大也崇邱二字平列謂高大也序萬物得極其高大正釋崇邱二字之義束皙詩瞻彼崇邱讀如山邱之邱失之

由儀

序由儀萬物之生各得其宜也瑞辰按由儀之由與由庚異由者𠂔之消借說文𠂔木生條也从弓由聲商書曰若顛木之有𠂔枿古文作由枿蓋𠂔正字由借字也𠂔本木生條之名因而萬物之生通謂之由左傳史趙曰陳顓頊之族也歲在鶉火是以卒滅陳將如之今在析木之津猶將復由由對滅言卽生也序以萬物之生釋由字以各得其宜釋儀字正就篇題以釋其

義束皙補亡詩乃曰由儀率性以率性類由儀是誤讀由爲率由之由失其義矣

蓼蕭

蓼彼蕭斯傳蓼長大貌釋文蓼音六瑞辰按說文蓼辛菜蓼虞也本音盧烏切音近了而此詩蓼訓長大音六者了與六一聲之轉蓼得音六猶種稌之稌字或从蓼作穆音亦同六也蓼从蓼聲蓼爲高飛兒高與長大義相近故蓼得訓爲長大兒

零露漙兮瑞辰按說文霏雨零也

舊作霏此从段本

引詩霏雨其濛又

曰霏雨霏也零徐雨也是詩作零者多霏之段借霏卽落也雨落謂之霏露落亦謂之霏故定之方中詩靈雨旣霏傳云霏落也鄭風零露漙兮正義本作靈箋亦云靈落也此詩傳箋不釋

零字以義已見前不煩解釋正義乃云此蕭所以得長大者由天以善露潤之是讀零露如靈雨之靈訓爲善殊失傳箋之旨是以有譽處兮箋是以稱揚盛美使聲譽常處天子瑞辰按集傳引蘇氏曰譽豫通爾雅釋詁豫安也禮記檀弓何以處我鄭注處安也譽處猶言燕譽皆安也常常者華篇義同此箋訓爲聲譽常處天子失之

肇革冲冲傳肇轡也革轡首也冲冲垂飾貌瑞辰按肇者鑒之段借說文無肇有鑒云鑒轡首銅也玉篇肇一作鑒廣韻鑒勒頭卽轡首也爾雅轡首謂之革轡以絡馬頭者爲首不以人所軛者爲首

正義謂馬轡所軛之外有餘而垂者謂之革殊誤

說文勒馬頭絡銜也革卽

勒之省古人多加飾以金鹽鐵論散不足曰今富者黃金琅勒

說苑田子方載黃金之勒鑒卽勒之金飾垂者采芑詩鉤膺鞶
革箋鞶革轡首垂也載見詩鞶革有鶉箋鞶革轡首也鶉金飾
貌竝與說文以鑒爲轡首銅者合蓋革爲轡首以皮爲之鑒爲
轡首之飾以金爲之正義謂鞶皮爲之誤矣據正義釋傳故云
鞶革轡首垂也是知毛傳原作鞶革轡首垂也爲采芑鄭箋所
本傳下云沖沖垂飾貌則上云轡首垂者垂卽飾也段玉裁謂
傳當作轡首飾也亦非也玉篇及張參五經文字竝云鞶轡也
則毛傳脫誤蓋已久矣鞶革古或作鑒勒石鼓文及寅簋文竝
云鑒勒是也或消作攸勒攸革伯姬鼎云攸勒師酉簋云中鼎
攸勒焦山鼎頌鼎頌簋竝云攸革是也或作繁革康鼎曰幽黃
繁革是也革古通作鞶廣雅鞶勒也玉篇鞶勒也亦作革鞶也

廣韻鞢轡首也革之作鞢與鞢猶棘子成通作革子成也古革
又有飾以貝者儀禮士纓轡貝勒飾以貝曰貝勒猶飾以鞢曰
鞢勒也周官巾車革路龍勒條纓五就條當爲鞢之段借謂轡
首有鞢飾也周官玉路金路象路皆言樊纓注分樊與纓爲二
故知條纓二物不相屬鄭注云條讀爲條謂其樊及纓皆以條
絲飾之誤矣

湛露

匪陽不晞傳陽日也晞乾也瑞辰按說文暘日出也陽卽暘之
段借

厭厭夜飲傳厭厭安也夜飲私燕也瑞辰按爾雅厭厭安也說
文厭安也引詩厭厭夜飲今毛詩作厭厭者卽厭厭之消借耳

釋文引韓詩作愔愔云和悅之貌魏都賦愔愔醞燕正本韓詩
厭愔二字雙聲故通用慝慝通作愔愔猶載芟詩厭厭其苗卽
稭稭之通借也廣韻稭稭苗美也義本毛傳集韻稭稭苗齊等也本鄭箋段玉裁謂愔卽慝
之或體則非也傳私燕據正義引楚茨備言燕私爲證當爲燕
私之譌

彤弓

中心貺之傳貺賜也箋貺者欲加恩惠也瑞辰按說文況寒水
也無貺字貺古通作況爾雅釋詁況賜也魯語況使臣以大禮
況卽貺也廣韻況善也中心貺之正謂中心善之猶觀禮云予
一人嘉之嘉亦善也貺之與下章好之善之同義箋云貺者欲
加恩惠蓋亦訓貺爲善耳

受言載之傳載以歸也箋出載之車也瑞辰按載亦藏也廣雅

載竝也竝讀如皮藏之皮

檀弓注閣皮藏食物廣雅閣載也

又曰竝堪載也堪

讀如龕方言龕受也受藏同義是知載卽藏周官司盟掌盟載之法掌其盟約之載卽盟約之藏謂埋藏之也呂氏春秋知接篇管仲引齊諺曰居者無載高誘注無有載藏之於心也載之與首章藏之三章囊之詞異而義同不必載於車始爲載耳

一朝右之傳右勸也箋右之者主人獻之賓受爵奠于薦右旣祭俎乃席末坐卒爵之謂也瑞辰按說文媾耦也耦取相助故義又訓助侑爲媾之或體右則侑之段借此詩傳右勸也與楚茨章侑勸也正同義古者食禮有侑饗禮有酬而左傳曰王饗禮命之侑是酬禮通曰侑也爾雅醕侑竝訓爲報是知二章右

之猶三章酬之變文以協韻耳箋以右爲奠於薦右正義謂傳訓右爲勸非爲勸酒胥失之矣

菁菁者莪

菁菁者莪傳菁菁盛貌瑞辰按文選靈臺詩注引韓詩蓁蓁者莪辭君曰蓁蓁盛貌集韻引詩萍萍者莪云李舟說菁蓁以聲近而轉蓁萍古雙聲字故通用據說文菁非華也蓁草盛兒萍草兒則訓盛兒當以蓁蓁爲正字毛詩作菁菁集韻作萍萍皆假借字也

錫我百朋箋古者貨貝五貝爲朋瑞辰按藝文類聚引六韜曰太公謂散宜生求珍物以免君罪之九江得大貝百馮注云詩作百朋按朋馮古同聲故通用百朋作百馮猶韓策之韓朋史

記作韓馮說文明無丹渡河今毛詩作馮河卷阿詩有馮有翼馮爲側之段借也

我心則休箋休者休休然瑞辰按廣雅休喜也疏證曰周語爲晉休戚韋昭注休喜也又引此詩我心則喜我心則休休亦喜也今按蟋蟀詩良士休休傳休休樂善之貌秦誓其心休休焉某氏傳其心休休焉樂善是休休爲喜樂箋云休者休休然亦是訓休爲喜釋文正義竝以休爲美失之

六月

六月棲棲傳棲棲簡閱貌瑞辰按棲栖古同字義與論語栖栖同謂行不止也廣雅徬徬往來也徬徬卽棲棲謂往來不止之兒徬徬通作棲棲猶瓠犀通作瓠棲皆音近段借字耳

載是常服傳日月爲常服戎服也箋戎車之常服韋弁服也瑞
辰按此當以箋說爲允左氏閔二年傳梁餘子養曰帥師者有
常服矣杜注韋弁服軍之常也凡服其所常服者謂之常服兵
事以韋弁服爲常服猶殷士以黼黻助祭亦曰常服也若傳以
日月爲常則於文王詩常服黼黻不可通矣兵服有失其常者
如左傳衣之偏衣是也

我是用急瑞辰按鹽鐵論引詩作我是用戒戒古音訖力切讀
與急同謝靈運撰征賦作我是用棘棘亦急也蓋本三家詩爾
雅釋言憾急也釋文憾本或作極又作亟同紀力反極當爲恆
之誤說文恆急性也淮南覽冥訓安之不恆高注恆急也恆急
戒憾棘等字皆同聲故通用棘又通革急通作戒猶說文諱讀

若戒也

王于出征箋于曰王曰今女出征獫狁瑞辰按釋詁于曰也釋
言律通述也詩疏引作聿曰述也曰本字作吹釋言又曰坎律
銓也坎當爲吹之段借銓當爲詮之段借說文吹詮詞也引詩
吹求厥甯今詩作通班固幽通賦吹中和爲庶幾兮文選作聿
是知聿通吹曰古竝通用皆語詞箋讀曰爲子曰之曰失之據
詩云以匡王國以佐天子則知王不親征王于出征猶秦詩王
于興師不得謂王自興師也王肅述毛以前四章爲宣王親征
失之

以匡王國箋匡正也瑞辰按匡當讀爲匡撫寡君之匡匡者助
也以匡王國猶云以佐天子也匡又爲救成十八年左傳曰匡